

երեկոյին արար. եւ օրս Տէր Աւետիքն արաւ աւագե-
րէցն: Եւ ճաշուն ելեալ իմ գնացի ի մեր ժամն զթա-
պախն բռնեցի՝ զգանձանակ էջմիածնայ: Եւ փեսայ
մեր՝ Մինաս պալէ Թուման՝ առեալ տարաւ զիս ի տուն,
եւ պահ մի կեցեալ անդ, եկն Տէրտէրն իմ եւ վար-
պետն իմ Տէր Յովանէսն, աւրհնեցին զտունն եւ
զհացն ի տեղն կերաք: Եւ յետ պահու միոյ առեալ
տարան զմեզ Հաճի էջմիածնայն որ էր կնքահայր մեզ.
աւրհնեցին զնորա տունն եւ սակաւ մի նստան եւ գնա-
ցին իրիցունքն եւ մեք մնացաք. եւ յետ պահու միոյ
ելաք անտի, եւ կնքամայրն իմ մարհամի ետ ինձ ըն-
ծայ, եւ կրկին բռնադատեաց Մինասն եւ որ ընդ նմա
թէ եկ ի տունս մեր դարձցուք. ոչ լըլայ թէ Դեռ օրս
ի Մղտեսոնցն չեմ գնացեր. եւ գնացի, ի տեղն գեռ
նստեալ կային սեղանովն հետ բարեկամացն. եւ պահ
մի նստեալ իմ, վերուցին զսեղանն եւ սակաւ մի նըն-
ջեցաք: Եւ յետ ննջելոյն գնացաք ի Վարդապետին
քով, ի մեծ օտան նստեալ էր շուրջ զմեծամեծօքն.
եւ յետ պահու միոյ ի ժամ գնացաք եւ ի դուրս ելաք
ամենայն զարդուք եւ աւրհնեցաք զանդաստանն, եւ
արձակման ժամուն արարաք զնախատօնակ Աւետեաց
Սուրբ Աստուածածնին: Եւ յետ արձակմանն գնացի
ի տուն, քանզի անկարացեալ էի, եւ զառաւօտուն
կերածն չկարէի մարսել եւ ի տուն գնացեալ յետ դար-
ձուցի զսիրտս եւ պառկեցայ: Օրս Չաքարեյ Ղալֆան
Վարդապետին մի գառ եւ զինի ընծայ ուղարկեաց:
Օրս երրորդում փեսայ հօրքուրիս ի տուն բերին փե-
սագարձ, հանդերձ հարբն եւ կնքահարաւն, հօրաքու-
րիւն եւ կնքամարաւն, եւ այլ Բ ոգի եւ տղայ մի
կնքահօրն: Տէրտէրն եկաւ երեկոյիս ի հետ նոցա նըս-
տաւ: Օրս Մղտեսի Տիլակն այլ եբեր զաղջիկն ի տուն
եւ զփեսան: Օրս մեր Վարդապետն զխորհուրդ առուր
Յարութեան ասացեալ է. եւ Տէրտէրս եւ այլ Բ ոգի